



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 22. Alia epistola Erasmi ad Lutherum

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Sæcul. XVI.,
A.C. 1519.

„ Media equidem , quibus , ut fertur ,
 „ Catholici Luthero invidiam creare ni-
 „ tuntur , haud approbo , cetera tamen ,
 „ cum hic vir mihi sit incognitus , ejus
 „ scripta nec laudare nec vituperare va-
 „ leo ; non enim ea hucusque perlegi ;
 „ mea tamen opinio est , minime consul-
 „ tum esse , quod tanta vi in eum infur-
 „ gatur , præcipue , postquam se illorum ,
 „ quibus rem decidere competit , iudicio
 „ submitit , præterea nullus hucusque ei-
 „ dem veritatem perspicue demonstravit ,
 „ ac nonnulli potius hujus viri exitium ,
 „ quam salutem quærere videntur , cum
 „ tamen non omnis error possit hæresis
 „ appellari , quippe in veterum , & re-
 „ centiorum Scriptorum libris errores
 „ reperiuntur ; non raro enim circa quas-
 „ dam opiniones diversi diversa sentie-
 „ bant , denique magis expedit viam
 „ lenitatis quam severitatis adhibere ,
 „ ex ipsa etiam Leonis X. summi Ponti-
 „ ficis sententia , de cetero , si Lutherus
 „ innocens esse comprobatur , tuarum
 „ partium est , Princeps serenissime , il-
 „ lum etiam contra ejus adversarios tu-
 „ eri. „

§. XXII.

Alia Epistola Erasmi ad Lutherum.

L. 6. ep. 4. **H**oc item anno Erasmus epistolam ad
 Lutherum perscripsit hanc in sen-
 ten-

tentiam: *Nulla sermone consequi possum, Sæcul. XVI.*
quas tragædias hic Lovanii excitarint tui A.C. 1519.
libelli: ne adhuc quidem ex animis istorum
revelli potest falsissima suspicio, tuas lucu-
brationes meis auxiliis esse scriptas: tantum
te admonitum volo, quod immanes feræ man-
suescant officiis, mihi que videtur plus profi-
ci civili modestia quam impetu. Nihilomi-
 nus tamen videtur: „ Quod Erasmus
 „ Lutheri calamum timuerit; cum enim
 „ efflicti rogaretur, ut ejusdem erro-
 „ res scripto refelleret, in quadam epi-
 „ stola hæc respondit: non mea interest
 „ litem ab aliis excitatam sopire, potius
 „ illi, qui hanc telam exorsi sunt, ean-
 „ dem etiam finire studeant, nec ulla
 „ etiam occurrit ratio, ob quam mihi
 „ præ ceteris illius errores confutare
 „ magis incumbat, cum potius illi, qui
 „ primi eundem in suis sermonibus la-
 „ cessiverunt, adversus eum calamos
 „ suos acuunt. Insuper indignum mihi
 „ videtur, quod contra virum jam con-
 „ demnatum, necnon contra libros pub-
 „ lica combustos scribam, nec etiam ex-
 „ pedit, ut magis magisque concitetur
 „ mordax illa lingua, quæ unice inten-
 „ ta est, ut diæteria in suos adversarios
 „ evomat, minus etiam consultum est
 „ virum, qui plurimum Germaniæ Princi-
 „ pum præsidio suffultus est exacerbare,
 „ nec abs ratione fors mihi objectari pos-

Sæcul. XVI. „ set, quod de Leone jam occiso ac pro-
A.C. 1519. „ strato triumphum reportare voluerim;
 „ denique Lutheri scripta confutari ne-
 „ queunt, ni saltem una vel altera vice fue-
 „ rint relecta; id vero temporis angustia
 „ mihi haud permittunt, cum ægre pro-
 „ priis meos ingenii partus secundis cu-
 „ ris elaborandi spatium supersit. „

Ceterum Erasmus, quamvis adeo indulgenter cum Luthero egerit, nihilominus illius errores, furoremque detestabatur, quamprimum de insana illius rabie certior factus fuerat.

§. XXIII.

Quidam Religiosi Lutherum confutant, ejus apologia.

Non eadem moderatione, qua Erasmus, quidam Religiosi ex Ordine FF. Minorum erga Lutherum utebantur; cum enim Ecclesiae fidem ab eo impugnari cernerent, vehementiori stylo illum insectabantur, atque editis libellis præcipue hunc hæreticum accusabant in eo, quod Ecclesiam universalem in generalibus Conciliis repræsentari negasset, simulque docuisset, quod nec Papa Christi Vicarius, nec D. Petrus Apostolorum Princeps esset. Eidem etiam exprobrabant, quod tradidisset, Canones nonnisi ad satiandam summorum Pontificum, ac
 cete-